

STATUTI DHE AKT THEMELIMI

I SHOOËRISË ME PËRGJEGJËSI TË KUFIZUAR

“Pigi” SH.P.K.

Mbështetur në ligjin nr. 9901 datë 20.04.2008 “Për Shoqëritë Tregtare”, në ligjin nr. 9723 datë 03.05.2007 “Për QKB”, sot më datë **3 Qershor 2024** me vullnetin e lirë dhe të plotë vendosa të krijoj dhe miratoj aktin e themelimit dhe statutin e Shoqërisë me Përgjegjësi të Kufizuar “Pigi” Sh.p.k. me këtë përbajtje

Neni 1 — Forma dhe emërtimi.

Shoqëria “Pigi” Sh.p.k. është një shoqëri me përgjegjësi të kufizuar, subjekt juridik shqiptar, veprimtaria e së cilës do të rregullohet me anë të këtij Statuti dhe nga legjislacioni shqiptar në fuqi. Shoqëria fiton personalitetin juridik pasi të jetë regjistruar në QKB në përputhje me kushtet dhe procedurat e parashikuara me ligj.

Ky statut është përpiluar në përputhje me legjislacionin shqiptar dhe ka karakter të detyrueshëm për nënshkruesit e tij. Cështjet që nuk janë shprehimisht të parashikuara në të, plotësohen nga legjislacioni shqiptar.

Neni 2 — Themeluesit.

Themeluesi i shoqërisë “Pigi” Sh.p.k. është:

- Bora Selenica me nr karte ID J76030051O e bija e Astrit Selenica, e datelindjes 30.10.1997, lindur ne Durres, banuese ne Durres, madhore dhe me zotesi te plote juridike per te vepruar.



Neni 3 — Selia.

Shoqëria "Pigi" Sh.p.k. e ka selinë në **Durres Durres DURRES Bulevardi Dyrrah ; Nd.28; H.11; Ap.4; Durres 2008.** Shoqëria mund të ndryshojë selinë e saj, të hapë zyra përfaqësie, degë, të krijojë filiale, si brenda ashtu edhe jashtë Republikës së Shqipërisë vetëm me vendim të Asamblesë së përgjithshme të ortakëve.

Neni 4 — Objekti.

Shoqëria "Pigi" Sh.p.k do ketë si objekt të veprimtarisë: Ofrimi i konsulencave ne fushen e marketingut, teknologjise dhe edukimit per sipermarrje dhe edukimit financiar. Shoqëria "Pigi" Sh.p.k. ka të drejtë të ndryshojë objektin e veprimtarisë së saj me vendim të Asembleës së përgjithshme të ortakëve.

Neni 5 - Kohëzgjatja.


Shoqëria "Pigi" Sh.p.k. kryen veprimtarine e saj tregtare për një periudhë kohore të pacaktuar deri sa të vendoset ndryshe nga Asambleja e përgjithshme e ortakëve.

Neni 6 — Kapitali themeltar.

Kapitali themeltar fillestar i shoqërisë "Pigi" Sh.p.k. është 100 (njëqind) lekë. Pjesëmarrja e themeluesit në kapitalin e shoqërisë është në përputhje me kontributin e tij të mëposhtëm:

- Ortaku themelues **Bora Selenica** : zotëruese i 1 (një) kuote me vlerë të përgjithshme 100 (njëqind) lekë që përbën 100% të kapitalit themeltar të shoqërisë;

Kapitali themeltar është i nënshkruar plotësisht nga ortaku themelues në masën 100%. Kontributi i ortakut mund të jetë në para ose në natyrë (pasuri të luajtshme / të paluajtshme apo të drejta). Ortaku përgjigjet për humbjen e shoqërisë përkundrejt të tretëve deri në vleren e kontributit të kapitalit themeltar të shoqërisë.



Neni 7 — Zmadhimi dhe zvogëlimi i kapitalit.

Kapitali i shoqërisë “Pigi” Sh.p.k. mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me ane te kontributeve ne natyre, nepermjet emërimit nga Gjykata Kompetente te një eksperti te autorizuar per keto kontribute sipas kërkeses se administratorit.

Në asnjë rast shumica e ortakëve nuk mund të detyrojë një ortak për të rritur angazhimin e tij në kapitalin themeltar të shoqërisë.

Zvogëlimi i kapitalit lejohet nga Asambleja e përgjithshme e ortakëve e cila merr vendimin në të njëjtat kushte që kerkohen për ndryshimin e Statutit. Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

Neni 8 — Transferimi i kapitalit.

Kuotat e kapitalit të shoqërisë “Pigi” Sh.p.k. e të drejtat që rrjedhin prej tyre mund të fitohen apo kalohen nëpërmjet: a) kontributit në kapitalin e shoqërisë; b) shitblerjes; c) trashëgimisë; d) dhurimit; e) cdo mënyrë tjeter e parashikuar me ligj.

Në rast transferimi të kuotës së kapitalit themeltar tek një subjekt i trete, ortaku është i detyruar të lajmërojë ortakët e tjerë të paktën 30 (tridhjetë) ditë para duke i venë në dijeni mbi kushtet e transferimit. Ortakët e tjerë, brenda 30 (tridhjetë) ditëve nga komunikimi i sipërpërmendor mund të ushtrojnë të drejtën e parablerjes me të njëjtat kushte.

Pjesët e kapitalit themeltar janë lirisht të transferueshme ndërmjet ortakeve, për sa kohë nuk parashikohet ndryshe në statut. Pjesët e kapitalit themeltar janë lirisht të transferueshme me rrugë trashëgimie.

Neni 9- Organi vendimarrës. Asambleja e përgjithshme e ortakeve

Asambleja e përgjithshme e ortakeve është organi i vetëm vendimarrës i shoqerise që miraton cdo ndryshim te statutit sipas modaliteteve të përcaktuara në ligj,

Asambleja e përgjithshme e ortakeve është përgjegjëse per marrjen e vendimeve për shoqërine per çështjet e me poshtme: a) përcaktimin e politikave tregtare të shoqërisë; b) emërimin, shkarkimin dhe

percaktimin e shperblimeve të administratorëve; c) emërimin e shkarkimin, dhe përcaktimin e shpërblimeve të likuiduesve dhe të ekspertëve kontabël të autorizuar; d) mbikqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë; e) miratimin e pasqyrave financiare vjetore dhe të raporteve të ecurisë së veprimtarisë; f) zmadhimin dhe zvogëlimin e kapitalit; g) pjesëtimin e kuotave dhe anullimin e tyre; h) përfaqësimin e shoqërisë në gjykatë dhe në procedimentet e tjera ndaj administratoreve; i) riorganizimin e shkrirjen e shoqerise; l) miratimin e rregullave procedurale të mbledhjeve të Asamblesë; m) çështje të tjera të miratura nga ligji apo statuti.

Ortaku mund të përfaqësohet në Asamblenë e përgjithshme, në bazë të një autorizimi nga një ortak tjetër apo nga një person i tretë.

Administratorët e shoqërisë nuk mund të veprojnë si përfaqësues të ortakëve në Asamblenë e Përgjithshme.

Autorizimi mund të jepet vetëm për një mbledhje të Asamblesë së përgjithshme, e cila mund të perfshijë edhe mbledhjet vijuese me të njëjtin rend dite.

Neni 10 - Organi vendimarrës. Asambleja e përgjithshme e ortakeve.

Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e dites e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë .

Kur asambleja e përgjithshme nuk është thirrur sipas pikës 1 të këtij neni, ajo mund te marrë vendime të vlefshme vetëm nëse të gjithë ortakët janë dakort, për te marrë vendime, pavarësisht parregullsisë.

Neni 11-Kuorumi.

Në rastin e marrjes së vendimeve, që kërkojnë një shumicë të zakonshme, Asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.

Në rastin kur Asambleja e përgjithshme duhet të vendosë për ceshjtje, të cilat kërkojnë shumicë të

kualifikuar sipas nenit 87 të ligjit “Per Tregtarët dhe Shoqëritë Tregtare”, ajo mund të marrë vendime të vlefshme vetëm, nëse ortakët që zoterojnë më shumë se gjysmën e numrit total të votave, votojnë personalisht, me shkresë, apo mjete elektronike, sipas parashikimeve të pikës 3 të nenit 88 te ketij ligji.

Nëse Asambleja e përgjithshme nuk mund të mblidhet për shkak të mungesës së kuorumit të përmendur me lart, asambleja mblidhet përsëri jo më vonë se 30 ditë, me të njëjtin rend dite.

Neni 12 — Marrja e vendimeve.

Asambleja e përgjithshme e ortakëve vendos me tre të katërtat e votave të zotëruesve të kapitalit, të ortakëve pjesëmarrës, për ndryshimin e statutin, zmadhimin ose zvogelimin e kapitalit të regjistruar, shpërndarjen e fitimeve, riorganizimin dhe prishjen e shoqerisë.

Asambleja e përgjithsbme vendos me shumicën e votave të ortakëve pjesëmarrës, përcaktimin e tjerë si: a) përcaktimin e politikave tregtare të shoqërisë; b) emërimin dhe shkarkimin e administratorëve; c) emërimin e shkarkimin e likuiduesve dhe të ekspertëve kontabël të autorizuar. d) përcaktimin e shpërblimeve; e) mbikëqyrjen e zbatimit të politikave tregtare nga administratoret, përfshirë përgatitjen e pasqyrave financiare vjetore dhe të raporteve të ecurise se veprimtarisë; f) përfaqësimin e shoqërisë në gjykatë dhe në procedimet e tjera ndaj administratorëve; g) miratimin e rregullave proceduriale të mbledhjeve të asamblesë;



Cdo ndryshim statuti duhet te depozitohet prane qkb per te pasqyruar ndryshimet ne skeden e shoqerise .

Neni 13-Perjashtimi nga e drejta e votes

Ortaku nuk mund të ushtrojë të drejtën e votës nëse asambleja e përgjithshme merr vendim për:

a) vlerësimin e veprimtarisë së tij; b) shuarjen e ndonjë detyrimi në ngarkim të tij; c) ngritjen e një padie ndaj tij nga shoqëria; d) dhënien ose jo të përfitimeve të reja.

Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interes, ashtu si dhe ortaku, të cilin përfaqëson.

Neni 14 —Administrimi


Asambleja e përgjithshme emëron një ose më shumë persona fizikë si administratorë të shoqërisë. Afati i emëritit, eshte 5 vjet, me të drëjtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit.

Administratorët e një shoqërie tregtare mëmë, sipas përcaktimit të nenit 207 të këtij ligji,nuk mund të emërohen si administratorë të një shoqërie të kontrolluar e anasjelltas. Cdo emërim i bërë në kundërshtim me këto dispozita është i pavlefshëm.

Personi i mëposhtem caktohet si Administrator i shoqërisë :

- **Znj. Bora Selenica**, shtetase shqiptare, lindur më 30/10/1997 në Durrës Shqipëri, banuese në Durrës, e identifikuar numër personal J760300510, madhore me zotësi të plotë juridike për të vepruar;

Specimenë e nënshkrimit

Bora Selenica


Neni 15 – Kompetencat e administratoreve

Administratorët kanë të drejtat e detyrohen të: a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme; b) përsaqësojnë shoqërinë tregtare; c) kujdesen për mbajtjen e saktë e të rregullt të dokumenteve dhe të librave kontabël të shoqërisë; d) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpala asamblesë së përgjithshme për miratim; e) krijojnë një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë; f) kryejnë regjistrimet dhe dërgojnë të dhënat e detyrueshme të shoqërisë, sic parashikohet në ligjin për Qendrën Kombëtare të Regjistrimit; g) raportojnë përpala asamblesë së përgjithshme në lidhje me zbatimin e politikave tregtare dhe me realizimin e aktiviteteve të posacme me rëndësi të vecantë për veprimtarinë e shoqërisë tregtare; h) kryejnë detyra të tjera të përcaktuara në ligj dhe në statut.

Administratorët janë të detyruar të thërrasin Asamblenë e Përgjithshme, në rastet kur: a) sipas bilancit vjetor apo raporteve te ndermjetme financiare, rezulton ose ekziston rreziku qe aktivet e shoqërisë nuk i mbulojnë detyrimet e kërkueshme brenda 3 muajve në vazhdim; c) shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 (pesë) për qind të aseteve të shoqërisë, që rezulton nga pasqyrat e fundit financiare të certifikuara; d) shoqëria, brenda 2 viteve të para pas regjistrimit të saj, propozon te blejë nga një ortak pasuri, që kanë vlerë më të lartë se 5 (pesë) përqind të aseteve te shoqërisë, që rezulton ne pasqyrat e fundit.

Nëse Asambleja e përgjithshme emëron më shumë se një administtrator, ata e administrojnë bashkërisht shoqërine.



Asambleja e përgjithshme mund të shkarkoje administratorin në cdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontrakte me shoqerinë, rregullohen sipas dispozitave ligjore në fuqi.

Neni 16 - Përgjegjesitë e Administratorit

Administratori është përgjegjës individualisht ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përvec sa shtë parashikuar në dispozitat e përgjithshme të detyrimit të besnikërisë, sipas neneve 14, IS, 17 e 18 të ligjit “Për Tregtarët dhe Shoqëritë Tregtare”, administratori detyrohet: a) të kryejë detyrat e tij te përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të vecantë ndikimit të veprimitarës së shoqërisë ne mjesid; b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita; c) të vlerësojë me përgjegjësi cështjet, për të cilat merret vendim; d) të parandalojë dhe mënjanjojë rastet e konfliktit, present apo të mundshëm, të interesave personalë me ata të shoqërisë; e) të ushtrojë detyrat e tij me profesionalizmin dhe kujdesin e nevojshëm.

Administratori, gjatë kryerjes së detyrave të tij, përgjigjet ndaj shoqërisë për cdo veprim ose mosveprim, që lidhet në mënyrë të arsyeshme me qëllimet e shoqërise tregtare, me përfjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

Nëse administratori vepron në kundënhim me detyrat dhe shkel standartet profesionale, sipas pikave 1 e 2 të këtij neni, eshte i detyruar t'i dëmshpërbuje shoqërisë dëmet, që rrjedhin nga kryerja e shkeljes, si dhe t'i kalojë cdo fitim personal që ai apo personat e lidhur me te kane realizuar nga



këto veprime të parregullta. Administratori ka barrën e provës për të vërtetuar kryerjen e detyrave të tij në mënyrë të rregullt e sipas standardeve të kërkua. Kur shkelja është kryer nga më shumë se një administrator, ata përgjigjen ndaj shoqrisë në mënyrë solidare.

Në mënyrë te vecantë, por pa u kufizuar në to, administratori është i detyruar t'i dëmshpérblejë shoqërisë dëmet e shkaktuara, nëse, në kundërshtim me dispozitat e ligjit “Për Tregtarët dhe Shoqëritë Tregtare”, kryen veprimet e mëposhtme: a) u kthen ortakëve kontributet; b) u paguan ortakëve interesa apo dividendë; c) u shpérndan aktivet shoqërisë; d) lejon që shoqëria të vazhdojë veprimtarinë tregtare, kur, në bazë të gjendjes fmanciare, duhej të parashikohej që shoqëria nuk do të kishte aftësi paguese për të shlyer detyrimet; e) jep kredi.

Përvec padisë për shlyerjen e dëmit që i ngarkohet personalisht administratorit, ortakët individualisht ose së bashku, kanë të drejtë të ngrenë padi penale kundër administratorit.

Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpérblimin financial, nëse është e nevojshme. Asnjë vendim i asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.

Neni 17 - Viti Financiar dbe dispozita të përkohshme mbi ndarjen e fitimeve të shoqërisë.

Viti financiar i Shoqërisë fillon më 1 Janar dhe përfundon më 31 Dhjetor. Përashtimisht, viti i parë financiar fillon nga data e regjistrimit të shoqërise në Qendrën Kombëtare të Regjistrimit dhe mbylltet më 31 Dhjetor.

Neni 18 - Prishja dhe likuidimi i shoqërisë.

Shpërndarja ose prishja e shoqërisë mund të bëhet në cdo kohë: a) kur mbaron kohëzgjatje e parashikuar në themelimin e saj; b) me vendim e Asamblesë së Ortakëve; c) me hapjen e



procedurave të falimentimit; c) nëse nuk ka kryer veprimtari tregtare për dy vjet dhe nuk eshte njoftuar pezullimi i veprimtarisë në përputhje me pikën 3 të nenit 43 të ligjit nr.9723 datë 03.05.2007

“Për Qendrën Kombëtare të Regjistrimit”; d) me vendim të gjykatës;

Në këtë rast Ortaket marrin vendim me shkrim në të cilin parashikojnë mënyrën e likuidimit të shoqerise, duke caktuar një apo disa likuidatorë dhe shënuar ne cdo dokument te nxjerrë prej tij emrin e likuidatorit dhe emërtimin shtesë “Shoqëri në likuidim e sipër”.

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

Likujdimi kryhet nga likuiduesit e emëruar nga Ortakët.

Neni 19 - Riorganiznii i shoqërisë bashkimi-ndarja

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 “Për tregtarët dhe shoqëritë tregtare.”

Neni 20 - Baza Llgjore

Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.

Për sa nuk parashikohet në këtë statut, do të zbatohen dispozitat e ligjit “Për tregtarët dhe shoqëritë tregtare”, e Kodit Civil dhe të cfarëdo ligji tjetër specifik në Republikën e Shqipërisë.

Neni 21-Mosmarrëveshjet

Për mosmarrëveshje që mund të lindin në lidhje me zbatimin apo interpretimin e ketij statuti , si dhe për çdo mosmarrëveshje që mund të lindë midis Shoqërise dhe të tretëve , do të jetë kompetente Gjykata Shqiptare.

ORTAKET
E SHOQERISE ME PERGJEGJESI TE KUFIZUAR
“PIGI”

Znj. Bora Selenica

